

出爐四料影后兼準人妻衛詩雅（Michelle）、導演劉偉恒偕妻子及兩名女兒早前隨宣明會到柬埔寨兩個社區進行探訪。經過一星期探訪和體驗後，眾人感受甚深。Michelle坦言此行最開心是首次與助養了6年的「女兒」見面，她更特別用手機翻譯學高棉語，寫了一張心意卡送給「女兒」。

赴柬埔寨探訪特困家庭

衛詩雅初見「女兒」 學高棉語傳情

衛詩雅自言性格感性，出發前公司同事已提醒她控制淚腺，但探訪時仍禁不住落淚，她說：「好似佢哋同我化新娘妝咁，有個年輕人得到支援，有機會學化妝，依家仲係當地嘅人氣化妝師，真係好感動，呢個係好有意義嘅新娘妝。」她透露最快樂行程是到宣明會即將完成發展目標的Baribour社區，與助養了6年的Chankoa見面：「見到佢已經眼濕濕，但又唔想嚇親佢，所以要忍住啲眼淚。」

■衛詩雅與劉偉恒探訪特困家庭，與小朋友玩遊戲。



我仲扮晒阿媽咁，叫佢拎啲功課出嚟睇吓，我即刻有啲唔好意思，因為我用當地嘅高棉語寫咗張卡畀佢，但係佢啲字靚過我好多。」她稱爆稱親自寫高棉語，是未婚夫的意思：「佢叫我唔好寫英文，用番當地語言容易啲溝通，我即刻開電話睇住個翻譯嚟抄。」

準備做「5孩之母」

Michelle希望將來能與未婚夫再來探訪：「希望15年後，我再返嚟探佢哋，見證佢哋嘅改變。」她坦言首兩天探訪特困家庭時，感覺他們很害怕：「佢哋唔敢同你傾偈，連眼神接觸都唔敢。但係喺後面已經發展完嘅社區，我見到自信，就算十五六歲都會走埋嚟同我分享。原本我都會諗，我可以幫到佢哋啲咩呢？到咗第三日，我見到希望。以前我可能好快落判斷，覺得幫唔到手，依家我覺得要花時間了解清楚，原來真係可以幫到佢哋！」

她直言單憑相片、片段甚至自己分享經歷，對大眾來

說可能感受不深，但Michelle相信上天給予今次探訪機會必有原因，故回港後即時再助養兩名兒童，連同已經助養的3名兒童，Michelle準備榮升「5孩之母」！

作為父親的劉偉恒，行程中遇見其中一位爸爸感受很深，他說：「初初覺得佢冇乜笑容，後來同佢影相、傾偈，見到佢開始笑。呢個爸爸曾經有啲唔好嘅習慣，因為宣明會嘅『喜樂家庭』課程，令佢改變咗好多，做番個爸爸。」

■衛詩雅與助養女兒初次見面，感觸良多。

■衛詩雅獲當地人氣化妝師化皇室新娘妝。

■衛詩雅親自餵孩童進食。

姜皓文冀港片帶旺旅遊業

■姜皓文帶姨甥孫入場睇戲。



姜皓文（黑哥）和太太殷寧合力炮製的賀歲片《哈哈新年喜慶》上映以來口碑不俗，連日來忙於宣傳的黑哥，前日抽時間帶甥甥孫和家人入戲院觀賞作品，更驚喜現身答謝觀眾支持。雖然電影市道低迷；但黑哥慶幸有不少團體包場和商戶支持：「呢啲商戶包括餐飲、美容，睇戲之餘又可以憑票尾獲餐飲折扣，其實對觀眾嚟講絕對值回票價。我當然希望吸引到香港以外嘅觀眾睇呢部戲，間接帶動或振興香港旅遊業，一舉多得。」

陳曉華帶病見證友人過大禮

前港姐冠軍陳曉華獲無綫力捧，劇接劇冇停手，雖然捱出病來，但她依然參加好朋友過大禮儀式，認真有義氣。她在Ig分享過大禮及自己躺在友人床上休息的照片，留言：「前幾日一個在我生命中重要的人過大禮，她說不要緊，生病了就好好休養，但我最後還是來了……因為你很重要，很慶幸沒錯過你人生重要的事情，完結的時候身體實在不行了，睡在她床上，狗狗看着我休養。」不少網民讚陳曉華生病樣都很漂亮，紛紛叫她好好休息。



■陳曉華於床上休息，有狗狗相伴唔怕悶。

■周柏豪主力在內地工作，亦會不時返港跟歌迷見面。



周柏豪春晚表演 老竇讚光宗耀祖

周柏豪昨日到九龍塘為港台新春團拜擔任表演嘉賓，近年轉戰內地發展的他大受歡迎，最近更登上春晚演出，他直言父親覺得光宗耀祖：「春晚表演真係好大壓力，嗰晚同陳小春、張智霖、阿姐（汪明荃）合唱，好少可以喺春晚唱粵語歌，好多網民都話係廣東人嘅光榮。我都覺得能夠用廣東話唱鍾意嘅歌，同埋可以同阿姐同台演出，係我今年最大嘅禮物。」

柏豪今年會繼續在內地開巡唱，亦計劃在香港開騷，因很久沒見香港歌迷，本周將會在母校舉行小型歌迷會聚會，既可見粉絲，亦為母校校慶助興。他透露今年會出新歌：「因為連我自己都有CD機，大家亦習慣上網聽歌，所以唔會推出實體CD。」他又稱正洽談在香港拍攝的工作：「老人家打開電視見唔到我，就覺得我有咩做，過年仲封咗大利是畀我，驚我唔OK，所以要做番啲嘢畀老人家睇。」